Fo terminato, per il Collegio, mediante il voler di proveditori sora la Sanità, non si dovesse far più mercadi nè a San Marco nè a San Polo. Item, che una festa si preparava far per conto di la compagnia di Floridi . . . . sul canal grando di la Zueca, et zà era fatto il preparamento, et la mumaria feva Pelegrin a San Zuane di la Zueca, et veniva per la fondamenta et per uno ponte si veniva a la preparation fata in mezo sopra . . . . galle sotil, di la qual è signor sier Agustin Nani di sier Polo, non si dovesse far. Item, la chiesia di la Trinità, doman è la sua festa, fusse serada et . . . . . . . . .

A dì 12, domenega. La terra, heri, fo di peste numero . . . , caxe nuove . . . , el vechie . . . , et fo fato serar sier Lazaro Mozenigo fo consier, et 

and professional and observer shall be more Vene in Collegio l'orator del duca di Milan a notificar la morte del fradelo del duca a di 25 mazo in Paris, et il testamento havia fatto.

Da poi disnar, fo Gran Conseio; vene il Serenissimo, ch' è più Consegli non è stato.

Fo publicà, per Bartolomeo Comin segretario dil Conseio di X, una condanason fata nel illustrissimo Conseio di X, a di 8 di l'instante, contra sier Zuan Paulo Marzello di sier Piero da san Gregorio, il qual al tempo si trava il palio di schiopeto a Lio, provandosi alcuni, questo usò parole insolente molte et turpissime contra le donne di questi tali, biastemando Dio et la sua santissima Madre : che questo sier Zuan Paulo Marzello sia posto in la prexon di l' Armamento, dove star debbi fino che per li Cai di questo Conseio sia mandato con el primo pasazo per la Cania, dove el sia relegà et confinà per anni 5, hessendo ubligato presentarsi 2 volte a l'anno a quel rector, et rompendo il confin restar debbi uno anno in la prexon Forte, et sia rimandà al bando, nè se li possi far gratia, se non per li 5 sesti di le balote (di questo Conseio) congregado al numero di 17, con taia de lire 1000, a chi 'l prenderà, di soi beni, si non di danari di la Signoria nostra.

Item, fu poi publicado, per Piero Dandolo seri-155 van a l' Avogaria, una condanason, fata a di 10 di questo in Quarantia Criminal contra sier Franceseo Barbaro qu. sier Vicenzo da santa Croxe, per il piedar di sier Marin Justinian olim et in hoc casu avogador di Comun, et non disse la causa perchè, ma che 'l ditto sier Francesco sia confinà per anni 8 in Caodistria, et si apresenti una volta a la setimana a quel retor, qual sia mandato in termine di uno mexe, et in questo mezo stii in preson, et rompendo il confin sia bandito di Venetia et destreto, terre et lochi, da Menzo et Quarner in quà, et hessendo preso stagi anni 2 in preson, et remaudà al confin, qual alora comenzi il tempo, et hoe totiens quotiens, con taia lire 600 ut in parte, et sia publicada il primo Mazor Conseio.

Fu fato election di capitanio di le galie di Alexandria: tolti 3 con titolo di soracomito, uno di qual vene dopio et niun non passò; fu meio di altri sier Lorenzo Sanudo fo soracomito qu. sier Anzolo. Retor et proveditor a Cataro, sier Beneto Valier è di Pregadi qu. sier Antonio. Et altre 7 voxe.

Di Roma, fo lettere del Surian orator, di 8. Come il papa havia fato cardinal monsignor di Terbe orator del re Christianissimo : si dice ha dato al papa ducati 40 milia, tamen il papa nè lui non vol confessar questo. Sono lettere di Franza, di Angulem, di . . . , come è certissimo li fioli del re sarà restituidi a di . . . . zugno, et tutto era ad ordine, po su le barche è tutto. Di le cose di Fiorenza, come lo exercito ha auto Empoli, dove haveano trovà assà vituarie: voleano andar a campo a Volterra, et dicono, havendo quella terra, Fiorenza converà prender partido. Et che in campo del papa era comenzà il morbo. Item, che Malatesta Bagion havea scritto . . . . che fin hora non si poteva parlar di acordo in pena di la testa, et che adesso Fiorentini assenteno che 'l si possi parlar. Et il papa dice: « Mi duol che Fiorentini vogliano la sua ruina ».

A dì 13, fo Santo Antonio di Padoa. lo feci sposar mia fia natural Candiana in Zuan Morelo a la Trinitae, poi a caxa fece un bel pasto, et la sera andò a marito.

La terra, di peste, heri, numero . . . , caxe nuove ..., et vechie ..., di altro mal 10.

Di Cremona, di sier Gabriel Venier orator, di . . . . Verifica quelo è stà ditto di la morte del marchese di Saluzo (Monferrato) zovene di anni . . . . nomeva Bonifacio, stato in questa terra il mexe di ..., et per li compagni Reali a caxa di sier Fantin Querini li fo fato un festin bello. Il qual è morto in questo modo, che hessendo a cavalo corando con uno nominato . . . . , el cavalo suo cascò et lui dete di la testa in terra, et il cavalo li andò fuora et subito morse. Havia do sorelle, una di le qual si trataria darla per moglie al duca di Milan, sichè per questa morte sarà extinto ogni pratica.

Scrive come è uno fradelo del padre, qual era 155\* in sacris, nominato Zorzi, el qual è successo nel marchesato.